



Las Squadras

1

Informaziuns generalas e messadi tier la radunanza communalas dils 26 d'avrel 2016

Messadi per la radunanza communalas dils 26-04-2016

Messadi per la radunanza communalas dils 26-04-2016 allas 20.00 uras a Sumvitg

La suprastanza communalas suttametta a Vus las suandontas fatschentas:

1. Aertura e beinvegni
2. Eleciun da 2 dumbravuschs
3. Approbaziun dil protocol dalla davosa radunanza communalas dils 15-03-2016
4. Tractaziun ed approbaziun dall'amplificaziun dalla lescha da baghegiar communalas
5. Tractaziun ed approbaziun dalla revisiun parziala dalla planisaziun locala a Surrein e Cumpadials
6. Tractaziun ed approbaziun dalla revisiun parziala dalla planisaziun locala concernent l'engrondaziun dalla zona d'explotaziun a Marias (secunda etappa) tenor il plan general da formaziun a Rabius-Marias
7. Orientaziuns
8. Varia

Tractanda 3: Protocol

Dil protocol dalla radunanza communalas dils 15-03-2016 sa vegnir priu investa sin canzlia communalas duront las uras da spurtsgl. Avon radunanza ei il protocol ultra da quei exponius per investa. Il protocol sa era vegnir abonnaus per la summa da frs. 25.00 per onn tier l'administraziun communalas.

Tractanda 4: Tractaziun ed approbaziun dall'amplificaziun dalla lescha da baghegiar communalas

Per saver porscher a dus convischins la pusseivladad d'ereger ina casa per indigens a Cumpadials, drova ei ina enzonaziun d'ina pintga parcella e cheutras ina revisiun parziala dalla planisaziun locala. Quella vegn mo lubida, sche la lescha da baghegiar communalas vegn adattada allas novas prescripcions dalla lescha federala davart la planisaziun territoriala, approbada ils 3 da mars 2013 dil pievel svizzer e dapi igl emprem da matg 2014 en vigur. Quella lescha sebasa sin ina nova politica da terren e pretend a ch'ins drovi il terren da baghegiar cun precauzion e spargnusadad. Ei setracta denter auter da procurar, che suloms enzonai stettien veramein a disposiziun per surbaghegiar. Ins vul evitar che terren da baghegiar seigi bloccaus sur onns ora. En applicaziun da quellas prescripcions federalas pertenda la Regenza grischuna ina

pintga adattaziun dalla lescha da baghegiar (art. 18, lit. a e lit. b). Senza quella amplificaziun approbescha ella neginas midadas dil plan da zonas.

Cun quella adattaziun obtegn la vischnaunca la cumpetenza d'intervegnir en cass ch'igl ei nunpusseivel d'anflar terren da baghegiar disponibel e da prender las mesiras adattadas. Concret mutta quei che la vischnaunca survegn la baza legala per acquistar parcellas buca surbaghegiadas per la valeta commerciala (Verkehrswert). Cumprar sa la vischnaunca denton mo parcellas ch'ein enteifer otg onns dapi che questa lescha ei en vigur e tschun onns suenter la realisaziun dall'avertura fundamentala buca surbaghegiadas. Ultra da quei drova ei in basegns fundau per ina guidida dil sulom disponibel ed igl interess public per gl'acquist sto esser pli impurtonts ch'igl interess privat.

Plinavon vegn ei introduziu ina contribuziun da cumpensaziun per avantatgs e disavantgs che seresultan dallas mesiras da planisaziun tenor art. 5 dalla lescha dalla planisaziun federala (RPG) ed art. 19 alinea 3 dalla lescha da planisaziun territoriala dil cantun Grischun (KRG). Quei ha denter auter per consequenza ch'ils proprietaris da terren ston pagar ina taxa da 20 % dalla plivalur (Mehrwertabschöpfung) per ina midada dalla zona, p. ex. da terren agricol en terren da baghegiar. Entras quellas midadas planisatoricas s'augmenta la valeta dil schischom a moda considerabla, quei che giustifichescha ina contribuziun en favur dil maun public.

La suprastanza communalas ei cunscienta che quella amplificaziun dalla lescha da baghegiar restrenscha empau il dretg dalla proprietad. Las mesiras vegnan denton decretadas entras la legislaziun surordinada e la suprastanza communalas ei obligada – bugen ni nuidis – d'exequir quellas prescripcions. Senza quella adattaziun vegn la Regenza buca a lubir novas enzonaziuns. La vischnaunca sto denton sesviluppar, sch'ella vul augmenter l'attractivitat da viver e dar a famiglias la pusseivladad da secasar en vischnaunca.

Proposta

La suprastanza communalas propona alla radunanza communalas d'amplificar la lescha da baghegiar communalas cun art. 18 a) ed art. 18 b).

Tractanda 4: Tractaziun ed approbaziun dalla revisiun parziale della planisaziun locala a Surrein e Cumpadials

La revisiun parziale della planisaziun locala pertucca sulettamein duas pintgas parcellas. Ella ei pia da pintga muntada, denton necessaria per dar a dus convischins la pusseivladad d'ereger ina casa per igl agen diever.

Ils convischins *Claudio e Lea Cajacob*, Sumvitg vulan bagheggiar a Cumpadials ina casa da habitar. Ord quei motiv ha il planisader *Kurt Vieli* dil biro *d'inschigniers Cavigelli SA* recumandau da midar ina part dalla parcella nr. 4066 a Cumpadials dalla zona dil vitg engrondida 2 secunda etappa en ina zona per baghetgs e stabiliments annexs en la zona dil vitg engrondida 2. El ha elaborau in rapport da planisaziun e cooperaziun ed inoltrau quel agl uffeci per il svilup dil territori dil cantun Grischun (UST) per preexaminiun. Lez ha renviau la damonda cun l'argumentaziun che Cumpadials possedi aunc entginas parcellas en zona da bagheggiar. Igli ei denton semussau che quellas ein ord plirs motivs buca venalas ni buca pusseivlas da surbagheggiar. Silsuerter han ins encuretg in'autra sligiaziun. A Surrein ei la possessura dalla parcella nr. 777 promta da schar prender quei sulom ord la zona dil vitg engrondida 2 e midar en la zona d'agricultura.

STIPULAZIUN



Per quei intent supplichescha il petent d'instradar la procedura da midar 722 m² dalla parcella nr. 777 a Surrein dalla zona dil vitg engrondida 2 ella zona d'agricultura e perencunter zonar entuorn 622 m² dalla parcella nr. 4066 a Cumpadials dalla zona dil vitg engrondida 2 secunda etappa en la zona dil vitg engrondida 2.

Tenor la nova lescha federala davart la planisaziun territoriala e sin fundament d'art. 19 alinea 3 dalla lescha da planisaziun territoriala dil cantun Grischun (KRG) sto il favorisau pagar tier ina enzonaziun ina taxa da 20 % dalla plivalur, quei il moment che la lubentscha da bagheggiar passa en vigur legala.



Nies planisader ha preprau il niev plan da zonas sco era il rapport da planisaziun e cooperaziun leutier. Quels documents ein exponi naven dils 11 da mars entochen ils 11 d'avrel 2016 en canzlia communal a Sumvitg.

Damai ch'ils cuosts da planisaziun vegnan supri cumpleinamein dil petent seresultan per la vischnaunca sulettamein minimaus cuosts d'administraziun.

Proposta

La suprastanza communal propona alla radunanza communal d'approbar la revisiun parziale della planisaziun locala cun la sura numnada midada da zonas a Surrein e Cumpadials.


Tractanda 5: Tractaziun ed approbaziun dalla revisiun parziale della planisaziun locala concernent l'engrondaizun della zona d'explotaziun a Marias (secunda etappa) tenor il plan general da formaziun a Rabius-Marias

Ils 24 d'avrel 2001 ha la Regenza dil cantun Grischun approbau la zona d'explotaziun per l'emprema etappa a Rabius-Marias. Dapi lu ha l'interpresa *Kies- und Sandwerk AG* explotau rodund 450'000 m³ material ord la cava a Marias. L'explotaziun dall'emprema etappa va plaunet da rendiu. Perquei han ils responsabels dall'interpresa e dalla vischnaunca iniziau igl onn 2011 la planisaziun per ina secunda etappa d'explotaziun. Quella cumpiegilia las parcellas 446 e 457 (Randonda e Marias Dadens), che sesanflan gest sut la via da meglieraziun a Rabius-Marias. Per survegnir las lubentschas necessarias eis ei vegniu fatg dapi igl onn 2011 numerusas sondaziuns ed examinaziuns. Denter auter ha ei basignau in giudicament davart la cumpatibladad cun igl ambient e l'aua sutterrana sco era in rapport davart la pusseivladad d'ina dislocaziun dalla petga dil conduct d'aulta tensiun. Las pretensiuns statalas ein fetg rigurasas e pretendan sondaziuns fetg detalladas e fundadas.

Il december 2013 ha la suprastanza communalia puttameiss la proposta per ina nova etappa d'explotaziun da material cun la documentaziun necessaria agl uffeci per il svilup dil territori dil cantun Grischun per la preexaminiun. Il matg 2014 ha la suprastanza communalia retschiert il pareri dalla preexaminiun. Quel ha pretendiu sondaziuns ed indicaziuns supplementaras. Communablamein cun l'interpresa interessada alla explotaziun ha la suprastanza communalia analisau minuziusamein las pretensiuns supplementaras e tratg las conclusiuns ordlunder. Quei ei stau ina lavur fetg pretensiusa, che ha duvrau bia temps.

Naven dils 24 d'avrel entochen ils 25 da matg 2015 ha l'exposiziun publica dalla midada da zonas giu liug. Duront quei temps fuss ei stau pusseivel d'inoltrar protestas. Legreivlamein ha negin fatg diever da quella pusseivladad, aschia che la suprastanza communalia sa ussa puttameiss la revisiun parziale della planisaziun locala pertuccont l'engrondaizun della zona d'explotaziun a Rabius-Marias alla radunanza communalia per decisiun. Silsuerter sto la Regenza dil cantun Grischun aunc approbar quella midada.





Secunda etappa d'explozaziun

Ella secunda etappa eis ei previu d'exploitar material sin las parcelas 446 e 457. Tenor las calculaziuns fatgas, savess il volumen total muntar a rodund 340'000 m³. Il quantum dependa denter auter dalla pusseivladad da dislocar la lingia dil conduct d'aulta tensiun e dalla distanza ch'ins sto obsevar visavi il cunfin della zona d'aulal ed ogna. L'explozaziun annuala ei previda cun circa 30'000 m³.

La cava sto suenter l'explozaziun puspei vegnir recultivada, aschia ch'ella stat silsuenter puspei a disposizion per la cultivaziun agricola. Ins quenta da saver deponer rodund 14'000 m³ material per onn. La cava dalla secunda etappa sto esser emplenida en circa 34 onns e lu puspei vegnir recultivada.

Regulaziun dil traffic – untgida dil center dil vitg

Gia all'entschatta dall'explozaziun egl onn 2001 ha la mulesta entras il traffic grev atras il center dil vitg da Rabius caschunau grondas discussiuns. Per evitare pli grondas mulestas dueva il traffic grev vegnir devias sur la via da meglieraziun a Marias. Deplorablamein ei la situaziun buca semigliurada el decours dil davos temps. Perquei ei la suprastonza communalha sestentada ils dus davos onns d'anflar ina sligiazion adattada per tut ils pertuccai. Sco gia giu comunicau a caschun dalla radunanza communalha dils 7 d'october 2015 vul la suprastonza communalha descagar il vitg dil traffic grev cun ereger in sviament. Ensemes cun ils responsabels digli uffici da construcziun bassa dil cantun Grischun eis ei vegniu examinau pliras variantas. Sin fundament da quellas lavurs preparativas ha la suprastonza communalha decidiu igl emprem da fevver 2016 da perseguitar vinavon la varianta che meina naven dalla via principala cantunala ella via da meglieraziun a Marias sut il supassadi ed da leu perlung dil trasse dalla Vialier Retica (dalla vart sid) entochen ella via da communicaziun cantunala existenta a Rabius-Curtins. La suprastonza communalha quenta ch'ei mondi entuorn 6 tochen 7 onns avon ch'il cantun realiseschi quei project. En quei interval duei il traffic grev vegnir menaus sur la via da meglieraziun da Marias, quei denton mintgamai mo naven dalla primavera entochen igl atun (temps d'explozaziun). Damai che la via da Marias sesanfa en in schliet stan duei ella vegnir sanada per aschia porscher las premissas necessarias per il traffic grev. Ils cuosts da quella sanaziun urgentamein neces-

saria vegnan reparti ulivamein denter la Kies- und Sandwerk AG e la vischnaunca.

Cunvegnientschas cun ils pertuccai

Sco l'emprema etappa d'explozaziun ei era la secunda ina impurtonta fatschenta cun influenzas sigl ambient e consequenzas per ils pertuccai e quei per rodund dus decennis. Perquei ston tuttas damondas esser sclaridas ordavon da rudien.

La suprastonza communalha ha informau ils proprietaris dil terren previus per l'enzonaziun respectivamen per l'explozaziun. Els s'accordan cun la midada proponida ed han signau ina cunvegnientscha cun l'interresa indigena.

A vesta dils avantatgs dall'enzonaziun ha la suprastonza communalha fatg ina entelgientscha cun ils proprietaris davart ina compensaziun commensurada per ils avantatgs che seresultan dall'explozaziun da material. Quella sebasia sin art. 19 alinea 3 dala lescha davart la planisaziun territoriala dil cantun Grischun. Ella engrazia als pertuccai per la capientzschas demussada.

A sias uras ha la vischnaunca giu fatg ina entelgientscha cun la Kies- und Sandwerk AG davart l'explozaziun da material e la depozia a Marias. Quella datescha dils 13 da zercladur 2001 e pertucca mo l'emprema etappa. El decours da quest onn ei la pusseivladad d'exploitar material terminada. Per quei drova ei ina nova cunvegnientscha. La vertenta ei en principi secumprovada, aschia che la suprastonza communalha ei sebasida sin quella reglementaziun cun denton far certas adattaziuns allas relaziuns semidadas. En special ein ins sestentaus da reglar clar e precis ils dretgs e las obligaziuns che sedattan entras la secunda etappa d'explozaziun per aschia evitare malcapientzschas e malaveglias. Quei pertucca era l'obligaziun da recultivazion. Ils dus puncts impurtonts dalla cunvegnientscha risguardan il manteniment dalla via Marias e la contribuzion da compensaziun ecologica (sco tochen dacheu). Igl ei reussiu d'anflar ina buna entelgientscha denter la Kies- und Sandwerk AG e la vischnaunca. Quella ei vegnida suttascreta il 10 da mars 2016 sut la resalva che aschibein la radunanza communalha sco la Regenza grischuna approbeschien la revisiun parziala dalla planisaziun locala cun l'engrondaziun dalla zona d'explozaziun (secunda etappa).

Revisiun parziala dalla planisaziun locala

Per che la Kies- und Sandwerk AG sappi explotar vinavon material a Marias, suttametta l'interpresa allas autoritads communalas e cantunalas la damonda per la suandonta midada dalla planisaziun locala:

- Engrondiment dalla zona d'explotaziun e da deponia sin las parcelles nr. 446, 447, 451 e 457 cun ina surfatscha da 38'275 m² sco zona surpostada. Las zonas dall'utilisaziun fundamentala vegnan en quei territori buca midadas.
- Midada dallas zonas fundamentalas suenter il cunfin determinau digl uaul.
- Fixaziun dil plan general da formaziun enteifer la zona d'explotaziun e da deponia.

Il planisader incaricau, Kurt Vieli dil biro d'inschigniers Cavigelli SA, ha elaborau il plan da zonas ed il rapport tecnic per quellas midadas da zonas a Rabius. Sco gia menziunau eis ei vegniu inol-

trau duront l'exposiziun publica neginas protestas encunter quella midada da zonas. Plinavon eis ei reussiu d'anflar ina nova cunvenientscha cun l'interpresa ch'explotescha il material. Cheutras sa quella midada da zonas vegnir suttamessa alla radunanza communal per approbaziun.

La suprastanza communal ei perschuaadida dall'imurtonza da nezegiar nossas resursas naturalas aschibein sco pusseivel, quei gest el mument nua che l'economia locala e regiunala ha gronds fastedis. Cun conceder la pusseivladad d'ina nova explotaziun savein nus promover l'economia e cheutras contribuir al beinstar general.

Proposta

La suprastanza communal propona alla radunanza communal d'approbar la revisiun parziala dalla planisaziun locala concernent l'engrondazion dalla zona d'explotaziun a Marias (secunda etappa) tenor il plan general da formaziun a Rabius-Marias.

Informaziuns cuortas

Determinaziun da zonas da protecziun dall'aua sutterrana per garantir la qualitat dall'aua da beiber

La situaziun da partenza

Gia dapi biars onns pretenda la lescha pil schurmetg dallas auas ch'il territori entuorn las tschaffadas dallas fontaunas d'aua da beiber stoppien vegnir schurmegiadas. Biaras vischnauncas han gia realisau quella incumpensa. Denter las vischnauncas che han tochen uss aunc buca fatg quei ni mo cun zonas generalas da schurmetg, sauda era Sumvitg. Tochen la fin da quest onn ston quellas lavurs esser serradas giu. Ord quei motiv ha la suprastanza communal surdau gia gl'onn vargau quella lavur al biro da geologia technica BTG AG da Sargans.

Nus havein aua da beiber da buna qualitat

En ina emprema fasa ei la qualitat dall'aua vegnida examinada. Quellas controllas han mussau che ton las analisas microbiologicas sco era las chemicas dallas fontaunas da nossas corporaziuns publicas ein bunas tochen fetg bunas. Quei ei in fetg legreivel fatg. Las controllas ein vegnidas pridas dils responsabels dallas corporaziuns ed examinadas digl uffeci cantunal per segirezia da virtualias e per la sanidad d'animals dil Grischun (ALT). Tut quels resultats ein publicai sin nossa pagina d'internet sut www.sumvitg.ch.

En ina secunda fasa ei il terren en vischinanza dallas tschaffadas dallas fontaunas vegnius examinaus dil geolog incaricau. Per part ein quellas lavurs era gia terminadas. Tier singulas fontaunas basegna ei uss denton aunc controllas supplementaras.

Emprovas cun colur da marcar

Per saver cun segirtad danunder che l'aua che vegn en nos reservuars e lu en nos aqueducts deriva, pretenda ei tier singulas tschaffadas da nossas fontaunas aunc emprovas specialas. Quei pertucca las tschaffadas dallas fontaunas en la Val Rabius, la fontauna da Planatsch (Sumvitg) sco era la fontauna da Caho el Bogn Tenigia. Sin fundament da quels resultats sa lu la zona da protecziun vegnir fixada definitiv.

Quellas emprovas ston vegnir annunziadas agl uffeci federal per natira ed ambient (BAFU) sco era agl uffeci cantunal per natira ed ambient (ANU). Medemamein vegn igl uffeci da pesca sco era la polizia cantunala teni sil current davart quellas emprovas.

Cu han quellas emprovas liug?

Sche l'aura lubescha vegnan quellas emprovas fatgas igl gliendisdis dils 9 da matg e mardis ils 10 da matg 2016. Quellas substanzas ch'ei drova per marcar l'aua ein absolutamein buca nuscheivlas, san aber effectuar che l'aua secolurescha per moments cotschna. Quei fenomen sesligia lu suenter cuort temps puspei ed ha negina influenza negativa sin la qualitat dall'aua. Perquei ein quellas eventualas midadas dalla colur dall'aua duront ils dis numnai ed era aunc plirs dis suenter, tier las fontaunas menziunadas, negin motiv da inquietonza.

Las novas zonas da protecziun

En ina tiarza fasa vegn fixau ils cunfins dallas differentas zonas da protecziun. Sch'ei fa basegns ston quellas zonas (silmeins la zona I) vegnir claudas ora e gaudan aschia absoluta protecziun. Quei ein mesiras per saver garantir era egl avegnir a nossa populaziun aua da beiber da buna qualitat.

Egl avegnir stattan era ils plans cun indicau tut las zonas da protecziun sin territori da nossa vischuna a disposizion a mintga convischina e convischin.

La suprastanza communal engrazia per la capientscha dalla populaziun. Per damondas en quei connex saveis era s'annunziar tier il responsabel dil departament dil provediment d'aua per telefon 076 456 90 97 ni per mail giusep.bearth@sumvitg.ch.

Departament provediment d'aua
Bearth Giusep, gerau

Editura

Vischuna da Sumvitg, Quadras su 5, 7175 Sumvitg
telefon: 081 920 25 00, fax: 081 920 25 08,
e-mail: info@sumvitg.ch